



Broj: 01/2-04-1323-4/2023
Breza, 14.06.2023. godine

Na osnovu člana 70. i 72. stav (3) tačka a) Zakona o javnim nabavkama („Službeni glasnik BiH“, broj 39/14 i 59/22) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javne nabavke (broj: 02/1-2-11-1324-16/23 od 13.06.2023. godine) u postupku javne nabavke radova: „Izgradnja sistema odvodnje otpadnih voda faza I i izgradnja pješačke staze u naselju Šaš, Poslovne zone Šaš, općina Breza“ Općinski načelnik, d o n o s i

ODLUKU

o dodjeli Ugovora trećerangiranom ponuđaču „Izgradnja sistema odvodnje otpadnih voda faza I i izgradnja pješačke staze u naselju Šaš, Poslovne zone Šaš, općina Breza“

Član 1.

- (1) Prihvata se Preporuka Komisije za javne nabavke (broj: 02/1-2-11-1324-16/23 od 13.06.2023. godine) i Ugovor za javnu nabavku radova: „Izgradnja sistema odvodnje otpadnih voda faza I i izgradnja pješačke staze u naselju Šaš, Poslovne zone Šaš, općina Breza“ dodjeljuje se trećerangiranom ponuđaču „TERMO-BETON“ d.o.o. Breza, ponuda (broj: 316/23 od 26.05.2023. god.) za ponuđenu cijenu od 281.410,01 KM bez PDV-a, odnosno 329.249,71 KM sa PDV-om.
- (2) Poništava se Odluka o dodjeli Ugovora drugorangiranom ponuđaču „MUŠINBEGOVIĆ GRADNJA“ d.o.o. Visoko br. 01/2-04-1323-3/2023 od 07.06.2023. god.

Član 2.

- (1) Prijedlog Ugovora o nabavci dostavit će se na potpis izabranom trećerangiranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije trećerangirane ponude.
- (2) Izabrani trećerangirani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane Ugovornog organa o rezultatima postupka nabavke, a prema tački C 12.1 tenderske dokumentacije.
- (3) U slučaju da izabrani trećerangirani ponuđač ne postupi u skladu sa članom 72. stav (3) ZJN, ova Odluka će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, (www.breza.gov.ba), istovremeno s upućivanjem iste kvalifikovanim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke, u skladu sa članom 71.stav (2) Zakona o javnim nabavkama.

OBRAZLOŽENJE

Postupak javne nabavke pokrenut je Zahtjevom o pokretanju postupka javne nabavke broj: 02/1-2-11-1324/23 i Odlukom o pokretanju postupka javne nabavke broj: 01/2-04-1323/23 od 28.04.2023. godine. Javna nabavka je provedena putem otvorenog postupka javne nabavke.

Procijenjena vrijednost javne nabavke bez PDV-a iznosi 282.051,30 KM.

Obavijest o nabavci broj: 726-1-3-17-3-11/23 objavljena je na Portalu javnih nabavki dana 05.05.2023. godine, a dana 12.05.2023. godine u „Službenom glasniku BiH“ broj: 33/23.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 18 (osamnaest) ponuđača. Izvještaj o preuzimanju Tenderske dokumentacije od strane ponuđača je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem (broj: 01/2-04-1323-1/23 od 23.05.2023. godine).

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da je blagovremeno zaprimljeno 3 (tri) ponude,
- da nije bilo neblagovremeno zaprimljenih ponuda,
- da su ponude ponuđača: „MUŠINBEGOVIĆ GRADNJA“ d.o.o. Visoko, „ATLAS-D“ d.o.o. Visoko i „TERMO-BETON“ d.o.o. Breza, prihvatljive ponude.

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije.

Komisija je dana 26.05.2023. godine, u skladu sa Pravilnikom o uslovima i načinu korištenja e-aukcije od 21.07.2016. godine, kroz sistem javnih nabavki, zakazala održavanje e-aukcije za kvalifikovane ponuđače za dan 29.05.2023. godine u 9,00 sati.

Iz izvještaja o toku i završetku e-aukcije koji je kreiran 29.05.2023. godine u 9,15 sati je vidljiva:

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	ATLAS-D d.o.o.Visoko	4218531190009	212.722,25	0%	1
2	MUŠINBEGOVIĆ GRADNJA d.o.o. Visoko	4218859910009	264.814,66	0%	2
3	TERMO-BETON d.o.o.Breza	4218300540007	281.410,01	0%	3

**Označava približnu vrijednost procentualnog umanjenja nakon zaokruživanja na dvije decimale

Dana 30.05.2023. godine donesena je Odluka o izboru najpovoljnijeg ponuđača broj: 01/2-04-1323-2/2023 kojom je kao najpovoljniji ponuđač izabran „ATLAS-D“ d.o.o. Visoko

Kako bi se stekli uslovi za zaključivanje ugovora, izabrani ponuđač „ATLAS-D“ d.o.o. Visoko bio je dužan u roku od 5 (pet) dana od zaprimanja odluke o izboru najpovoljnijeg ponuđača, dostaviti dokaze o ispunjavanju uslova iz člana 45. Stav(1) tačka od a) do d) Zakona o javnim nabavkama BiH. Budući da je izabrani ponuđač propustio u ostavljenom roku dostaviti tražene dokaze, Ugovorni organ je postupio u skladu sa članom 72. stav 3. tačka a) Zakona o javnim nabavkama BiH i donio Odluku o dodjeli ugovora drugorangiranom ponuđaču „MUŠINBEGOVIĆ GRADNJA" d.o.o. Visoko, Odluka broj: 01/2-04-1323-3/2023 od 07.06.2023. godine.

Drugorangirani ponuđač, „MUŠINBEGOVIĆ GRADNJA" d.o.o. Visoko, takođe je propustio u ostavljenom roku dostaviti tražene dokaze o ispunjavanju uslova iz člana 45. Stav (1) tačka od a) do d) Zakona o javnim nabavkama BiH, zbog čega je Ugovorni organ postupio u skladu sa uslovima iz tenderske dokumentacije, primjenom člana 72. stav (3) tačka a) Zakona o javnim nabavkama BiH i donio Odluku o dodjeli ugovora trećerangiranom ponuđaču „TERMO-BETON“ d.o.o. Breza.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni glasnik BiH", br. 39/14 i 59/22), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom. Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni glasnik BiH", br. 39/14 i 59/22).

Predlagač: Služba za privredu, Salih Hasanspahić _____

Obrađivač: Jasmina Došlić _____

DOSTAVLJENO:

1x „MUŠINBEGOVIĆ GRADNJA" d.o.o. Visoko
1x „TERMO-BETON“ d.o.o. Breza
1x Služba za privredu
1x Služba za finansije, inspekcijske poslove i opću upravu
1x Viši samostalni referent - administrator mreže
1x Evidencija
1x a/a

OPĆINSKI NAČELNIK

Vedad Jusić